



UKA 2018/23

10/10-2018

Randi Vestergaard Evaldsen

Uunga siunnersuut: Pisortat oqartussaaffigisaanni suliffeqarfiinilu nioqqutissanik  
kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut  
inatsisaat nr. xx, xx. xxx 2018-imeersoq

(Inuussutissarsiornermut Nukissiuuteqarnermullu Naalakkersuisoq)

Siullermeerneqarnera

Uani siunnersuummi siunertarineqarpoq pisortat pisiniarneranni periutsumik aalajangersaanissaq.  
Allaaserineqartut naapertorlugit pitsaasumik unammilleqatigiittoqarneratigut pisortat aningaasaataat  
atorluarneqarnerunissat siunertarineqarpoq. Demokraatiniit isumaqarpugut arlaannaataluunniit  
tamanna assortorsinnaangikkaa. Ilaatigut siunnersuummi siunertarineqarput nioqqutissanik  
kiffartuussissutinillu 500.000 kr.-t sinnerlugit nalilinnik pisiniartarnerit tamarmik § 3-mi  
taakkartorneqartut minillugit.

Inatsimmi allaaserineqarpoq pisortat aningaasanik sipaaruteqarsinnaasut pisiniarnerit  
pitsangorsarnerisigut ataqatigiissaarnerisigullu. Tamanna Demokraatinut isumaqarluarpoq.  
Inatsimmi aamma pilersinniarneqarput Kalaallit Nunaanni pisortat oqartussaaffiitut sulliviutaanullu  
ataatsimoortumik malittarisassat - taamaasilluta assigiinnerusumik ingerlatsineq  
angusinnaalissavarput aammalu qularnanngitsumik assigiinnerusumik nunatsinni kommuninilu  
sullissisoqarsinnaalissaaq, suleriutsit ersarissut aammalu paasiuminartut. Sullivinnut ataasiakkaanut  
tamanna pitsaalluinnassaq, inatsisip siunertai malinneqarpata. Tamanna ilaatigut uagut  
qularnaartariaqarparput qulakkeerlugulu.

Una inatsit atuutissaaq pisortat oqartussaaffiitut aamma suliffiutaanut. Tassunga atatillugu  
Naakkersuisut apererusuppagut aamma inatsit atuutissanersoq Namminersorlutik oqartussat  
pigisaanni sullivinni aamma Namminersorlutik Oqartussat pigisaanni suliffinni nammineq  
aquttuni? Taamaassimappat tupigilaassavara inatsit una taakkununnga  
tusarniaassutigineqarnikuunngimmat.



Inatsimmi teknikkimut tunngasunik apeqqutinik peqaaluppoq uanga isumaga naapertorlugu ataatsimiititaliamit suliarineqartariaqartunik sukumiisumik. Aamma tusarniaanermut atatillugu apeqquteqaaluppoq isumaga naapertorlugu ataatsimiititaliap isummerfigisariaqagaanik minnerunngitsumillu suliareqqissaartariaqangaanik. Aningaasat amerlassusaannut tunngasunik aamma apeqquteqarpoq arlalinniik uanga isumaga naapertorlugu ataatsimiititaliap eqqumaffigeqqissaartariaqangaanik. Tusarniaanermut atatillugu akissutini apeqquterpassuaqarpoq ataatsimiititaliap suliarisariaqangaanik sukumiisumik.

Siunnersuut Inuitissarsiornermut Ataatsimiititaliamut innersuupparput suliareqqitassanngorlugu.